



STATEN VAN ARUBA

STATEN VAN ARUBA
Ingek. 14 OCT 2021
Volgnr.: IS/101/21-22

Na Presidente di Parلمانeto di Aruba
Sr. mr. E.G.A. Vrolijk
L.G. Smith Blvd. 72
Oranjestad

Oranjestad, 14 di oktober 2021

Pa medio di es carta suscrito kier a pidi Sr. Presidente pa dirigi e preguntanan aki na Ministro Presidente Sra. mr. E. Wever-Croes y na Ministro di Husticia y Asuntonan Social Sr. R. Tjon. Suscrito ta desea di haya contesta por escrito riba su preguntanan. Gradiciendo di antemano pa e cooperacion, suscrito ta keda,

Atentamente,

Miguel J. Mansur
Lider di Fraccion ACCION 21



STATEN VAN ARUBA

Preguntanan por escrito di miembro di Parlamento, Sr. Miguel J. Mansur, na Minister President Sra. mr. E. Wever-Croes y na Ministro di Husticia y Asuntonan Social Sr. R. Tjon, conforme articulo III.17 di Staatsregeling y conforme artikel 59 di Reglement van Orde van de Staten van Aruba.

-
- 1 • Mirando cu no tin un MB, ariba ki base legal e stuurgroep di gobierno pa kinderopvang ta operando?

FASE a identifica aproximadamente 113 creche cu no ta registra ni na KvK ni SVb representando 46% di e mercado.

- 2 • Ki plan tin pa regularisa tur centro di cuidado di mucha pa crea un level playing field?
- 3 • Con gobierno lo percura pa e ley conta pa tur establecimiento, esnan legalmente registra y clandestino?

Implementacion di e ley lo impone ariba hopi di e crechenan existente gastonan adicional pa tuma mas personal pa cumpli cu e ratio y/of modifica nan facilidad. Esey lo nifica un subida di prijs pa famianan cu ta depende di e servicio esencial pa cuidado di mucha.

- 4 • Gobierno a haci un estudio ariba cuanto famia lo perde acceso na cuidado di mucha si prijsnan subi?
- 5 • Mirando e realidad socio-economico actual, gobierno tin un plan pa asisti mayornan cu no lo por sigui paga creche?
- 6 • Gobierno a considera e efecto ariba e muchanan di mayornan cu no lo por sigui manda nan yiu creche y lo mester laganan cu familiar y/of amistad cu no ta profesional?
- 7 • Ki plan gobierno tin pa crechenan cu ta huur nan lugar y caminda e propietario no ta dispuesto di inverti den e modificacionnan necesario pa cumpli cu e ley?

Den caso di crechenan cu ta huur nan lugar y dicidi di inverti den e modificacionnan pa cumpli cu ley y despues ta haya nan mes forsa di muda paso propietario no kier renoba nan huurcontract.

8 • Gobierno tin un plan pa salvaguardia nan inversionnan?

Mirando cu hopi creche tin añas si no decadas di existencia y te hasta ta tuma stagaire di EPI/EPB.

9 • Gobierno tin un plan pa evalua e praktik di e crechenan y operadornan y duna esey ekivalencia?

10 • Si gobierno no tin un plan di ekivalencia, con personanan sin experiencia practico den e veld por exige esnan cu tin decadas di existencia exitoso y sin incidente bay paga Afl. 200.- pa luna y sigui les pa dos aña?

11 • Gobierno a considera cu e personanan aki tambe tin famia di nan mes, di unda nan ta suppose di saca e tempo y den algun caso e recurso pa bay busca un certificacion pa algo cu nan ta haciendo caba?

Hopi doño y operador di creche a inverti hopi placa y tempo den sigui estudionan di Fundacion Pa Nos Muchanan y awor ta wordo informa cu esey no ta conta.

12 • Gobierno tin un plan pa recompensa nan pa e fondonan y tempo cu nan a inverti?

13 • Gobierno a haci un estudio ariba con implementacion di e ley lo afecta e funcionamiento di e industria?


14 • Si implementacion di e ley resulta cu algun creche lo cera, gobierno tin un plan pa e muchanan cu lo keda sin un centro di cuidado?

15 • Gobierno a considera introduci un "grandfather clause" cu ta exonera crechenan existente sin incidente di implementacion di e ley inmediatamente?

16 • Ki tempo e industria lo por haya un Manual di Regulacion di Cuido di Mucha actualisa cu e cambionan pendiente?

Oranjestad, 14 di oktober 2021

Atentamente,



Miguel J. Mansur
Lider di Fraccion ACCION 21